

語文競賽客家語朗讀文章國中學生組（四縣腔）

編號 6 號

【金黃色个旅行】曾雪蓉原作

旅行係一種盡好个休閒活動，做得分人个心情鬆爽，同最靚个回憶留下來，另外旅行也係一種學習，有一句話講：「行萬里路，贏過讀萬卷書」，在旅行个時節，一路項看著个、聽著个，可能比在書項學著个還較精彩、生趣。

印象裡肚，佢最懷念个一擺旅行，係前幾年佢八月半个時節，吾爺哀帶歸屋下人去花蓮遶寮。

佢兜來到花蓮富里个六十石山，一路項感覺花蓮个空氣特別好，一聲又一聲大鷄婆歡喜又自在个歌聲，響在彎彎幹幹个山路項，佢兜盤飛在高高个雲頂，打開梟雄个翼胛，無分日夜在這片山頭巡邏，佢兜係這片天地个山大王，也係保護者。

等阿爸同車仔停在忘憂亭，佢一下車就看著滿山坪个金針花開到當鬧、當打眼，想起識在電視裡肚看過一個紹介花蓮金針山个節目，講這位係一個靚到會分人「跳童」个所在，這句話正經半點都毋會差；在佢企在這高高涼亭个時節，看著歸片个山頭，變成金黃色个世界，間等泥香、野花香个山風對面吹過來該下，毋知仰仔，吾心肝頭就有一種感動還過幸福个感覺，佢想這就係

大自然个力量。

阿爸講：「前人種樹，後人涼；前人種竹，後人搖。」這山頭个金針花，係盡多前人開山打林開墾出來个，故所來到這遶寮个時節，愛曉得珍惜，毋單淨同這美景用相片帶轉屋下，也愛同自家个垃圾處理好，恁樣年年正有靚靚个風景好欣賞啊。

夕陽像一粒漬紅个柑仔，掛在天脣个時節，原本開到盡有精神个金針花，像約好共下下班樣仔，全眨等目珠互相偎燙，恬恬个睡忒咧；難怪金針花又安到「一日美人」，佢跔等朝陽跔床又在日頭落山時節，合起厥錫人个花蕊衫裙，做一個靚一日个美人。

時間過忒已久，有成時佢還係會想起該擺「金黃色个旅行」，親像又聽著大鷄婆歡喜个歌聲，盡久……盡久。

語文競賽客家語朗讀文章國中學生組（四縣腔）

編號 7 號

【盡風神个社團活動】劉純汝原作

兩年前正開學時節，拿著社團選單，哇！一拖拉牯<sup>1</sup>呢，有服務隊、排球隊，還有童軍團、熱舞社……，該央時，佢毋知愛選哪隻正好？欸，「西洋劍隊」！吾目珠一金，仰恁沙鼻、恁風神个名仔呢？「嗯，就選你哩！」

這下恁起，到入隊个第四隻月，佢總算有機會參加全國比賽！換佢上場哩：劍衫拉好勢，面落仔膠手落仔也戴好勢，夾起電衫、跔正馬步，盡拚哩啲！比賽一開始，佢拿等劍煞力牯滑步搶前進攻，使出蠻力拂啊拂欸。旨知，佢長刺、佢撥擋，佢飛刺、佢敲劍……，阿姆哀！總下分佢閃淨淨，戰術七分佢看透透！吾个心肝發勾筋<sup>2</sup>，手腳亂忒哩，節奏也亂忒咁；對手密密咻！咻！咻！咻，佢嘎緊揮空緊失分，輸到恹恹恹恹！

佢一比煞，軟怠怠个雙腳拓拓風跪落地，賠命个「啊」一聲，就像氣凹凹仔个鬥雞，落喪落喪<sup>3</sup>！原旦个自信怕係走到天頂同白雲搞園人尋去咧！

<sup>1</sup> 拖拉牯：音 to' la gu'；語源於日語「トラック」，卡車，此文形容很多之意。

<sup>2</sup> 心肝發勾筋：音 xim' gon' bod' giu gin'；指心裡很著急。

<sup>3</sup> 落喪落喪：音 log song log song；表垂頭喪氣之意。

貼心个劍隊伴仔，全都行兼佢：有人送涼水、有人撚背囊、還有人膠佢搨核核，教練也柔柔仔安慰佢講：「人生啊，有時星光、有時月光，你打到當慶咧，下二擺再過加油！」目汁強強會忍毋核个佢，深深感受著佢兜親像寒天个細日頭，吾心肝肚黏時燒暖燒暖！

人講「臺頂三分鐘，臺下十年功」正經有影。聽起來恁風神个「西洋劍」，做起来無恁該！除忒考反應、比體力，還愛動腦筋、想戰術。這兩年來，一擺又一擺毋係你贏就係佢輸个比賽，分佢學習著：仰般面對失敗、仰般面對毋湛斗个自家，面對問題、解決問題！佢當煞猛打拚，發揮客家人硬頸精神个本等，練好基本功，抓捉要領；十年磨一劍！吾个劍術緊來緊進步咧，武藝比得古代个花木蘭哩！

「西洋劍」係源自十七世紀个歐洲，也係奧運比賽項目之一：有分鈍劍、銳劍、軍刀三種。競賽員比賽个時節，企在鐵枋仔頂高个兩片準備，等聽著「啊咧<sup>4</sup>」，用劍頭先刺著對手有效个部位就算得分，係嶄然有速度感膠爆發力个運動。

「西洋劍」毋單淨培養專注力、思考力，還有觀察力同判斷力，係「盡風神」个社團活動哦！

<sup>4</sup> 啊咧：音 a le'；劍擊術語「Allez」，表「開始攻擊」。

【 唉下該頭杌仔樹 】徐秀英原作

歌在鄉下，屋脊種幾頭仔番樣<sup>1</sup>樹、牛眼、杌仔係當平常个，一到打子个時節，管佢有熟抑盲熟，反正食得个東西，細人仔絕對無放過佢！就係吵著睡當晝个叔公叔婆來大聲逐，該下晝就無戲好唱哩。

吾屋下就在伙房个最尾析，崎仔溜啊下就係喇唉，唉下个圳溝係細人仔熱天个天堂，洗身仔、厚魚仔、捉蝦公、釣蛤蟆蜈仔，麼个想得著个空頭，細人仔就搵得著來搞！該頭杌仔樹，就係對唉下該石壁項啣出來个。

吾婆當好食這頭个黃杌仔，見看著杌仔會食得該駁仔，佢就會怙等杖仔行兼來同佢這兜細亞仔講，青杌仔食乜會屙硬屎，愛等佢黃乜正好食。細人仔嘴項應講好，一群豺狗哪！哪管得著<sup>2</sup>佢兜該張嘴，幾雙賤手揪得著个，全部都摘來塞牙縫咧，除了打在忒樹尾摘毋著个！吾爸就會拿竹篙叉去夾下來，較硬个佢會自家食，較熟个佢會放在米缸裡背，翕加兩日仔正拿去吾婆間項。無牙齒个阿婆，糜啊糜欸，面項滿足个笑容，到這下佢都還記得。

<sup>1</sup> 番樣：音 fan' son；芒果。

<sup>2</sup> 哪管得著：音 nai gon` e` diau`；哪管得住。管不住。

該頭杌仔樹頂，輒常就會有青鸚仔<sup>3</sup>飛來做竇：青鸚仔毋驚人，佢兜在樹下搞家啦飯仔，佢兜在樹頂啾啾滾飛來飛去；細人仔雖然番綻，毋過從來毋識去撞過厥竇。較盤擎个會蹶上石壁去算看啊，竇肚生有幾多粒卵。一駁仔過後，樹頂又加加幾下隻得人惜个細鳥仔哩啲，就恁仔生生不息。

樹頂高乜有膨尾鼠跳上跌落，還有共樣毋驚人个山狗太、狗嬾蛇趁上趁下。膨尾鼠尾絨絨，當得人惜，屋下食伸个果子抑係果仁、果子皮放在樹底下，佢兜會輪等跳過來食，咕嚕嚕个目珠仁換換轉，該驚人來搶食个樣仔，實在還生趣。山狗太、狗嬾蛇就無恁得人惜乜，因為厥皮膚有保護色，分樹梗抑係燥葉仔壅到共下个時節，一無注意就會害人分佢嚇著，故所佢盡惱山狗太。

恁多年過去咧，唉下該頭杌仔樹早就毋在乜，毋過，該童年个回憶，哪久就恁香甜个放在吾心肝肚。

<sup>3</sup> 青鸚仔：音 qiang' li' e`；綠繡眼。